



Texto Mesa Sectorial 8.5.2020

Tras alegacións OOSS

Figuran **resaltadas** as modificacións respecto ao borrador entregado na MS do 13.12.19

PROXECTO DE DECRETO .../..., DO ..., POLO QUE SE CREA A ESPECIALIDADE EN DIETÉTICA DENTRO DA CATEGORÍA ESTATUTARIA DE TÉCNICO ESPECIALISTA DO SERVIZO GALEGO DE SAÚDE.

A Lei 55/2003, do 16 de decembro, do Estatuto marco do persoal estatutario dos servizos de saúde, establece no artigo 15.1. que cada servizo de saúde establecerá, modificará ou suprimirá as categorías do seu persoal estatutario de acordo coas previsións contidas no propio Estatuto Marco.

No Servizo Galego de Saúde veñen funcionando unidades encargadas do deseño e control das dietas e dos alimentos subministrados, co fin principal de garantir a súa calidade e a súa adaptación aos distintos procesos patolóxicos.

Para a súa correcta xestión operativa resulta adecuada a incorporación de profesionais formados especificamente para esas funcións. O colectivo de persoal que se axusta a estes requirimentos é o que acredita o Título de Técnico Superior en Dietética establecido polo Real Decreto 536/1995, do 7 abril (BOE número nº 131, do 2 xuño).

Preténdese así incorporar persoal técnico especialista que, baixo a supervisión correspondente, colabore na elaboración de dietas adaptadas ás necesidades dos/das pacientes e no control da calidade das mesmas e dos alimentos subministrados, así como na organización e xestión da correspondente unidade, sen prexuízo de que conorra no desempeño desas funcións con outras categorías.

A creación da especialidade de dietética resposta á necesidade de promover a incorporación de profesionais do ámbito sanitario, con formación específica, aos cadros de persoal das institucións sanitarias.

A elaboración desta norma adecuouse ao disposto ... (normativa que regula a elaboración de disposicións de carácter xeral: Lei 16/2010, do 17 de decembro, de organización e funcionamento da Administración xeral e do sector público autonómico de Galicia, ...).

Este Decreto dítase trala preceptiva negociación na Mesa Sectorial ...

Texto Mesa Sectorial 8.5.2020

Tras alegacións OOSS

Figuran **resaltadas** as modificacións respecto ao borrador entregado na MS do 13.12.19

Na súa virtude, por proposta da consellería de Sanidade, ... Consello Consultivo de Galicia e logo de deliberación no Consello da Xunta na súa reunión do día...,

DISPOÑO:

Artigo 1. *Obxecto e ámbito de aplicación*

1. Este decreto ten por obxecto a creación, dentro da categoría estatutaria de persoal técnico especialista, da especialidade en dietética, e regular o seu réxime xurídico, réxime de acceso, funcións e dotación de cadro de persoal.
2. A regulación contida neste decreto resulta de aplicación ao persoal estatutario que preste servizos nas institucións sanitarias do Servizo Galego de Saúde.

Artigo 2. *Creación da especialidade en dietética*

Créase no Servizo Galego de Saúde, dentro da categoría estatutaria de persoal técnico especialista (persoal sanitario de formación profesional), a especialidade en dietética cuxo título foi establecido polo Real decreto 536/1995, de 7 de abril, polo que se establece o título de técnico superior en dietética e as correspondentes ensinanzas mínimas.

Artigo 3. *Acceso*

1. Para acceder á especialidade en dietética, como persoal estatutario fixo ou temporal, será indispensable estar en posesión do título de técnico/a superior en dietética (formación profesional da familia sanitaria). Entenderase cumprido este requisito cando se posúa calquera outro título declarado equivalente, nos termos previstos na normativa de ordenación xeral da formación profesional.

Texto Mesa Sectorial 8.5.2020

Tras alegacións OOSS

Figuran **resaltadas** as modificacións respecto ao borrador entregado na MS do 13.12.19

No caso de titulacións obtidas no estranxeiro, deberá posuírse o documento que acredite fidedignamente a súa homologación ou a credencial de recoñecemento do título para efectos profesionais.

2. A superación das probas de selección, convocadas en execución dunha oferta pública de emprego, será requisito para acceder á condición de persoal estatutario fixo da especialidade.

3. A selección de persoal temporal efectuarase polo procedemento establecido logo da negociación na Mesa Sectorial (actualmente, pacto sobre selección de persoal estatutario temporal publicado no *Diario Oficial de Galicia* número 123, do 30 de xuño de 2016).

4. Os servizos prestados a partir da data de obtención do título de técnico/a superior en dietética, en desenvolvemento con carácter fundamental das funcións propias desa especialidade e debidamente certificados, terán a consideración de prestados na dita especialidade nos procesos de selección, para persoal temporal ou fixo, que se formalicen para o acceso á mesma.

Artigo 4. Réxime xurídico

A relación do persoal desta especialidade co Servizo Galego de Saúde regúlase pola Lei 55/2003, do 16 de decembro, pola Lei 8/2008, do 10 de xullo, de saúde de Galicia, e pola normativa de desenvolvemento aplicable ao persoal estatutario deste organismo autónomo.

Artigo 5. Funcións

Corresponde ao persoal técnico especialista en dietética exercer, baixo a dirección da institución sanitaria e a supervisión que a mesma dispoña, as funcións inherentes ao

Texto Mesa Sectorial 8.5.2020

Tras alegacións OOSS

Figuran **resaltadas** as modificacións respecto ao borrador entregado na MS do 13.12.19

conxunto de aptitudes e capacidades que derivan da titulación de técnico superior en dietética. En particular, desenvolverá principalmente as seguintes funcións:

- a) Organizar e xestionar, ao seu nivel, a área de traballo asignada na unidade.
- b) Elaborar e supervisar dietas adaptadas ás necesidades dos/das pacientes, segundo as correspondentes especificacións facultativas.
- c) Controlar e supervisar a composición cualitativa dos alimentos.
- d) Supervisar a conservación, manipulación e transformación dos alimentos.
- e) Realizar o seguimento e estudar a aceptación das dietas polos/as pacientes.
- f) Todas aquelas outras funcións ás que habilite o seu currículo formativo no seu ámbito funcional.

As devanditas funcións desenvolveranse sen menoscabo da competencia, capacidade de supervisión, responsabilidade e autonomía dos/das profesionais doutras categorías que actúan no ámbito da dietética.

Artigo 6. Cadro de persoal

Correspóndelle ao Servizo Galego de Saúde, baixo a supervisión e o control da Consellería con competencias en materia de Sanidade, planificar as necesidades e determinar o número de efectivos de persoal da nova especialidade que poden prestar servizos con carácter estrutural.

Esta medida farase efectiva mediante as modificacións que procedan nos cadros de persoal técnico especialista, coas limitacións e de conformidade coas previsións establecidas nas disposicións orzamentarias en vigor.

Texto Mesa Sectorial 8.5.2020

Tras alegacións OOSS

Figuran **resaltadas** as modificacións respecto ao borrador entregado na MS do 13.12.19

Disposición adicional única- Modificación do Decreto 206/2005, do 22 de xullo, de provisión de prazas de persoal estatutario do Servizo Galego de Saúde

Modifícase o punto 2 do artigo 16 («*Relación de aspirantes seleccionados*») do Decreto 206/2005, do 22 de xullo, que queda redactado como segue:

«2. Na mesma resolución que publique o acordo ao que se refire o número anterior habilitarase un prazo non inferior a dez días hábiles para que os aspirantes seleccionados presenten a documentación que acredite o cumprimento dos requisitos exixidos na convocatoria.

Os aspirantes que non presenten a documentación acreditativa no prazo indicado non poderán ser nomeados, e quedarán sen efecto todas as súas actuacións.»

Disposición derradeira primeira. *Habilitación para o desenvolvemento normativo*

Facúltase á persoa titular da consellería competente en materia de sanidade para ditar as disposicións necesarias para o desenvolvemento deste decreto, no ámbito da organización e materias propias do seu departamento.

Disposición derradeira segunda. *Entrada en vigor*

Este decreto entrará en vigor aos vinte días da súa publicación no *Diario Oficial de Galicia*.